

民國五年重修

淮陽縣志

卷首 圖經

卷一

地輿志上

星野 沿革 表附 疆域 村保集鎮附 山水 碑口附

卷二

地輿志下

古蹟 冢墓附 風土

卷三

籍賦志 戶口 丁地 征解 留支 蠲緩 雜稅 鹽引

卷四

建置志 城池 宮署 壇廟 坊表 橋梁

卷五

學校志

學宮
勸學所

學署
學校

學額

學田

書院

義塾

卷六

經政志

秩祀

禮儀

兵防

郵政

倉儲

郵政

卷七

職官表

名宦傳

卷八

選舉表

辟舉
文武例仕

文武科目
封贈

貢生
世襲

學校畢業
恩廕

卷九

人物傳上

先賢

鄉賢

先正

文仕蹟

武仕蹟

卷十

人物傳上

孝友 忠烈

卷十一

人物傳上

義行

卷十二

人物傳上

文學 隱逸

卷十三

人物傳上

方技 耆壽

流寓

目錄

卷十四

人物傳下

列女

后妃

節婦

卷十五

人物傳下

列女

節婦

卷十六

人物傳下

列女

烈婦

孝婦

淑媛

貞女

烈女

孝女

卷十七

藝文志上

著述 金石

卷十八

藝文志下

輯類文

詔勅
祭文

表疏
誌銘

碑記

論辨序引

卷十九

藝文志下

輯類詩

賦頌
古樂府

古詩
歌詞

五七古

五七律

五七絕

卷二十

雜志上

災異

兵事

雜志下

方外

寺觀

志餘

淮陽縣志卷之一

志

地輿上

星野

史志首載天文勤民故敬天也淮地屬陳實維太昊之墟但星次野分歷稽史冊爲亢爲心指畫各殊謹仍舊志並附泰攷以凜敬天之訓云爾志星野

漢書地理志韓地角亢氏之分野也詩陳鄭之國與韓同星分唐書天文志角亢壽星也氏涉壽星當洛邑衆山之東與亳土相接次南直潁水之間曰太昊之墟爲亢分明史天文志軫十度至氏一度壽星之次也河南之開封府角亢分鄭州氏分陳州亢分文獻通考象緯考云梁國人房五度淮陽入心一度按陳州本漢淮

陽郡晉時又合陳郡於梁國通考屬之房星分與漢書唐書明史不符天道微渺區區百里何以証明然明史修于本朝自宜以陳

州亢分爲正云

舊志

按春秋傳陳太昊之墟屬大火之次辰在卯鄭裨竈謂宋陳衛鄭當同曰火晉天文志房心大火之次西南接太昊之墟陳項入房五度淮陽入心一度舊志從明史以陳州爲亢分然躔次高遠既難証明近日天文家言更異舊說姑附參此條以俟博雅并補分宿之圖如左

右攝提

陽門


大角

亢宿

折威

左攝提

顯損



沿革

表附

志乘之作取資數典一邑之變更古今得失之林係焉世紀太
吳都陳神農因之禹貢豫州之域周爲胡公之封鹽鐵論云宛
邱居五諸侯之衢富甲海內信神明之躡輔郡之雄也自秦置
陳縣漢晉沿襲南北朝疆屬無常信項異稱隋開皇更名宛邱
歷唐宋金元不改明洪武時以陳州治省宛邱縣入焉清仍其
舊雍正十二年陞州爲府乃增置淮寧國體變後改稱淮陽故
著其代系併列表以附志沿革

縣地爲伏羲氏神農氏舊都

五帝紀帝太昊伏羲氏成紀人也以木德繼天而王都宛邱注
今陳州太昊之墟炎帝神農氏以火德王都於陳注陳國名今
開封府

陳州

夏殷時豫州境

史記宋忠註云虞思之後箕伯直
柄中衰殷湯封遂於陳以爲舜後

周爲陳侯封後爲楚滅地屬楚

史記陳杞世家周武王克殷求舜後得嬀滿封於陳是爲胡公
湣公二十四年楚惠王復國以兵北伐殺湣公遂滅陳而有
之楚世家頃襄王二十一年秦將白起遂拔我郢燒先王墓
夷陵楚襄王兵散遂不復戰東北保於陳城通考輿地考楚
滅陳爲縣頃襄王自郢徙於此戰國時爲楚魏二國之境

秦置陳縣屬潁川郡

史記始皇本紀二十六年分天下爲三十六郡按秦
兼天下分豫州爲三川河東南陽潁川碭泗水薛七郡

漢初分潁川置淮陽郡高帝十二年置淮陽國陳縣屬焉

史記高祖本紀十一年立子友爲淮陽王漢書地理志淮陽
國注莽曰新平屬兖州孟康曰孝明帝更名陳國陳縣注莽
曰陳陵

後漢縣屬陳國隸豫州刺史部

後漢書郡國志陳國注高帝置爲淮陽章和二年改雒陽東南
七百里陳縣注帝王世紀曰庖羲氏所都舜後所封左傳億

元年會於榿杜預
曰縣西北有榿城

三國時爲魏地陳縣屬陳郡隸豫州部

三國志陳思王植傳黃初五年以陳四縣封植爲陳王
吉補三國疆域志陳郡漢置魏東阿王植徙封此因改作國植
子志又徙封濟北復還作郡領縣
五 陳漢舊縣有賈侯渠

晉陳縣屬梁國隸豫州

晉書地理志後漢章帝改淮陽曰陳郡及
武帝受命又合陳郡于梁國統縣十二

宋移郡治項城以陳令屬南梁太守隸南豫州

宋書州郡志陳郡太守漢高立爲淮陽國章帝元和三年更名
晉初併梁王彤薨還爲陳南梁太守晉孝武太元中僞立于
淮南安帝始有淮南故地屬徐州武帝永初二年還南豫孝武
大明六年廢屬南豫改名淮南八年復舊 陳令前漢屬淮陽
後漢屬陳晉太
康地志屬梁

南齊陳縣屬西汝陰郡隸豫州

按南齊書州郡志豫州有北陳郡又有陳郡南陳縣屬
焉又有南陳左縣屬南汝陰郡疆屬改易不可勝紀

魏省陳縣入項仍爲陳郡治隸北揚州

魏書地形志陳郡領縣四項長平西華襄邑

北齊移項縣于故陳城

按隋書地理志宛邱縣注後魏曰項置陳郡項城縣注北齊改曰信州後周改曰陳州則信州陳州乃今之項城也舊縣志以北齊信州後周陳州爲今之淮寧誤

隋改縣曰宛邱屬淮陽郡隸豫州

隋書地理志淮陽郡注開皇十六年置陳州宛邱縣注開皇初縣改名宛邱後析置臨蔡縣大業初置淮陽郡并臨蔡縣入焉

唐宛邱縣屬陳州淮陽郡隸河南道

新唐書地理志陳州淮陽郡宛邱注繁武德元年析置新平縣八年省

五代宛邱縣屬陳州

五代史職方考陳州故屬忠武軍節度晉開運二年置鎮安軍漢初軍廢周廣順二年復之

宋宛邱縣屬陳州淮陽郡後屬淮寧府隸京西北路

通考輿地考陳州晉爲鎮安軍節度宋因之宣和元年陞爲淮寧府屬京西北路領縣五治宛邱

金宛邱縣屬陳州隸河南路

通考輿地考建炎二年沒於金紹興元年復旋失金隸河南路紹興三十一年土人陳亨祖執僞守以城來歸旋復失按金史地理志陳州宛邱縣屬南京路無河南南路

元宛邱縣屬陳州隸汴梁路

明省宛邱縣入陳州屬開封府隸河南等處行中書省並設陳州衛

明史地理志開封府陳州洪武初以州治宛邱縣省入西北距府二百六十五里

清初仍明制隸河南布政使司順治十六年裁衛地歸陳州雍正

二年改陳州爲直隸州仍統四縣十二年陞爲陳州府置附郭

淮寧縣宣統辛亥後國體變更民國成立以壬子歲爲民國元

年是年裁縣歸府二年裁府復縣改淮寧爲淮陽縣

表	時代統部	秦	前漢兗州	後漢豫州
專轄	穎川郡		淮陽郡 漢初分穎川郡置	淮陽國 高帝十二年置莽曰新平
州縣	陳縣	縣爲古朱襄之地太昊神農皆都之周爲陳國楚滅陳爲楚地秦始皇置縣故列表自秦始皇	陳縣	陳縣 莽曰陳陵
陳國	陳縣			章和二年改淮陽爲陳國